

5.29. Өз қызметінде Бас директор Орынбасары Бас директорға есепті, Жалпы Жиналыстың, Авторлық кеңестің және Бас директордың шешімдерін басшылыққа ала отырып, қызметін атқарады.

## 6. Бірлестіктің ұйымдық құрылымы

6.1. Бірлестіктің ұйымдық құрылымын аумақтық белгі бойынша Қазақстан Республикасында құрылатын филиалдар түзеді.

6.2. Филиалдар заңды тұлғалар болып табылмайды және Бірлестіктің Жарғысы мен Филиалдар туралы үлгілік ереже негізінде әрекет етеді.

6.3. Филиалдың басшылары 1 жылдан аспайтын мерзімге Авторлық кеңеспен сайланады және Бірлестіктің Бас директоры берген сенімхат негізінде әрекет етеді.

6.4. Бірлестіктің Филиалы авторлардың, орындауды әртістердің, фонограммалар өндірушілерінің немесе олардың құқық мирасқорларының мүлкітік құқықтарын қорғауды жүзеге асыратын Бірлестіктің құрылымдық бөлімшесі болып табылады.

6.5. Филиал ол туралы Ереже негізінде аумақтық әділет органында есептік тіркеу мезетінен бастап филиалдар үшін Қазақстан Республикасының Ұлттық банкісінің нормативтік актілерімен белгіленген шоттар режиміне сәйкес Қазақстан Республикасының банктерінде шоттар ашуға, мөрді, сондай-ақ белгіленген үлгілердің бланкілерін иеленуге құқылы.

6.6. Филиал осы Жарғы мен Филиал туралы ереже аясында Қазақстан Республикасының заңнамасына сәйкес өз қызметін жүзеге асырады.

## 7. Бірлестік мүлкі және қаражатының пайда болу көздері

7.1. Бірлестіктің меншігінде ғимараттар, құрылыстар, тұрғын үй қоры, автокөлік, жабдықтар, техникалық мүлік және қызметті материалдық қамтамасыз етуге қажетті, Қазақстан Республикасының заңнамасымен тыйым салынған нысандардан басқа осы Жарғыда қарастырылған басқа мүлік болуы мүмкін.

Бірлестіктің ақшалай қаражаты мыналардан қалыптасады:

- 1) комиссиялық аударылымдардан;
- 2) Қазақстан Республикасында жиналатын авторлық құқық сыйақы және сабақтас құқық иелерінің сыйақы сомаларынан және ұжымдық негізде мүлкітік құқықты басқаруды жүзеге асыру кезінде шетелден келіп түсетін сомалардан;
- 3) Бірлестік есебіне түсу күнінен үш жыл өткеннен кейін алынбаған авторлық және сабақтас құқық сыйақыларынан;
- 4) Ақшалай қаражат, материалдық және мәдени құндылықтар және жылжымайтын мүлік түріндегі отанды және шетелдік ұйымдардан, одақтардан, фирмалардың, кәсіпорындардың, мекемелердің және жеке азаматтардың ерікті жарналары, сый-сыяпаттары, түсімдері мен аударылымдарынан;
- 5) өндірістік және басқа шаруашылық қызмет табыстарынан;
- 6) заңмен тыйым салынбаған басқа түсімдер.

Бірлестіктің барлық мүлкі мен ақшалай қаражаты Бірлестіктің жарғылық міндеттерін орындау үшін ғана пайдаланылатын және Бірлестіктің мүшелері арасында қайта бөлінбейтін, қоғамды бірлестік ретіндегі оның меншігі болып саналады.

Бірлестік меншігіне мүлкі және ақшалай қаражатты беру немесе пайдалану тәртібі Қазақстан Республикасы заңнамасына сәйкес тағайындалады.

Бірлестік мүшелерінің берілген мүлкіке, сонымен қатар мүшелік жарнаға құқығы бомайды. Олар Бірлестіктің міндеттемелері туралы жауап бермейді, Бірлестік те өз мүшелерінің міндеттемелері туралы жауап бермейді.

Филиалдар Бірлестікке берілген мүлкіті пайдаланады.

7.2. Қазақстан Республикасының заңнамасына сәйкес материалдық-техникалық, әлеуметтік базаны дамыту мен өз шығынын ақтауды қамтамасыз ету, жарғылық мақсаттарға қол жеткізуге қызмет ететін болғандықтан, Бірлестік басқа да қызметті жүзеге асыруға құқылы болады.